
ФАРҒОНА ВИЛОЯТИ ҲОКИМЛИГИ ВА ЎЗБЕКИСТОН ИҚТИСОДИЁТ АССАМБЛЕЯСИ ЎРТАСИДА ҲАМКОРЛИК ЙЎЛГА ҚЎЙИЛДИ

Вилоят ҳокими Хайрулло Бозоров Ўзбекистон Иқтисодиёт Ассамблеяси раиси Мухтор Умаров бошчилигидаги Ассамблея вакиллари қабул қилди.

Ассамблея гуруҳи таркибидан Экспортчилар уюшмаси раиси Ёрқин Маликов, Агробизнес уюшмаси раиси Камолиддин Икрамов, Иқтисодиёт ассамблеясининг БААдаги бизнес вакили Сардор Ғаффоров, Ассамблея раисининг Ёшлар ва хотин-кизлар тадбиркорлиги масалалари бўйича ўринбосари Мастура Тоғаева, Ўзбекистон Кончилар уюшмаси раиси Сарвар Мирзаев, Электротехника уюшмаси раиси Нодир Султонмуродовлар ўрин олдилар.

Учрашувда Япония тажрибаси асосида 2021 йилда ташкил этилган, ўзида 13 та маҳаллий илғор ассоциация ва миллий марказларни бирлаштирган Ўзбекистон Иқтисодиёт Ассамблеяси нодавлат нотижорат ташкилоти билан Фарғона вилояти инвестицион салоҳиятини ошириш, экспорт ҳажмини кенгайтириш ҳамда ишбилармонлик муҳитини янада ривожлантиришга қаратилган ўзаро ҳамкорлик истиқболлари муҳокама қилинди.

Тадбиркорлар ва давлат идоралари ўртасида мулоқот платформасини яратиш, тизимдаги муаммоларга ечим топиш, чет эллик инвесторларни жалб қилишда давлат идоралари билан ҳамкорликда ишлаш, шунингдек, бу борада хориж тажрибаси ва савдо тижорат илмини олиб келиш ва амалиётга тадбиқ этиш, шунингдек, тадбиркорларнинг ҳуқуқий билимини ошириш, уларга савдо ҳуқуқи ва шартнома тузиш бўйича кўникмалар беришни ўз олдига мақсад қилган Ўзбекистон Иқтисодиёт Ассамблеяси Республика ҳудудлари орасида илк бор Фарғона вилояти билан амалий ҳамкорликни йўлга қўйишни бошламоқда.

Учрашув якунида Фарғона вилояти ҳокимлиги ва Ўзбекистон Иқтисодиёт Ассамблеяси ўртасида вилоят инвестицион салоҳиятини ошириш ҳамда ишбилармонлик муҳитини янада ривожлантиришга қаратилган ўзаро ҳамкорлик меморандуми имзоланди.

Қабулда вилоят ҳокимининг ўринбосари Иқболжон Эргашев ва Марказий банк вилоят бош бошқармаси бошлиғи Туробжон Қундузов иштирок этдилар.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-08-11 18:48:47